



Møteprotokoll Formannskapet

Møtedato: 07.05.2020

Møtestad: Teams-møte (Møterom Børilden - kommunehuset)

Møtetid: 10:00 - 15:30

- Økonomirapport
- Rekneskap
- Årsmelding

Frammøtte medlemmer	Parti	Rolle
Per Lerøy	AP	Ordfører
Inger Lise Brekke	H	Varaordfører
Morten Sognes	H	Medlem
Helge Dyrkolbotn	KRF	Medlem
Bjørn Inge Håland Dyrkolbotn	SP	Medlem

Desse møtte frå adminstrasjonen:

Asbjørn Nagell Toft

Bjørnar Fjellhaug

Ketil Tjore

Liv Løvvik

Monika Kvamme

Odd Harald Dommersnes

Olav Birger Andersen

Rolf-Henning Myrmel

Thomas Lindås

Austrheim 19. mai 2020

Per Lerøy
ordfører

Ketil Tjore
møtesekretær

Sakliste

Saknr	Tittel
057/20	Godkjenning av innkalling og saksliste
058/20	Godkjenning av møteprotokoll
059/20	Meldingar
060/20	Delegerte saker
061/20	Orienteringssak
062/20	Budsjettoppfølgning per mars 2020
063/20	Årsmelding 2019
064/20	Årsrekneskap 2019
065/20	Planendring for Heiane bustadfelt og Finnsvågen med utviding av bustadområde B09, planid. 2018001- Offentleg ettersyn

057/20: Godkjenning av innkalling og sakliste

Rådmannen sitt framlegg:

Innkalling og sakliste vert godkjent

07.05.2020 FORMANNSKAPET

Ordførar Per Lerøy (Ap) spurte om formannskapet godtok også den ettersende saka om planendring for Heiane bustadfelt og Finnsvågen. Dette vart godkjent av alle.

Handsaming i utvalet:

Rådmannen sitt framlegg vart samrøystes vedteke, med tilleggssak om Heiane-reguleringsplanen.

FS - 057/20 - 07.05.2020 - Vedtak:

Innkalling og sakliste vert godkjent

058/20: Godkjenning av møteprotokoll

Rådmannen sitt framlegg:

Møteprotokoll frå forrige møte vert godkjent

07.05.2020 FORMANNSKAPET

Handsaming i formannskapet:

Samrøystes for rådmannens framlegg til vedtak.

FS - 058/20 - 07.05.2020 - Vedtak:

Møteprotokoll frå møtet 23. april er godkjent

059/20: Meldingar

Rådmannen sitt framlegg:

Meldingane vert tekne til orientering

07.05.2020 FORMANNSKAPET

Ingen meldingar til dette møtet.

FS - 059/20 - 07.05.2020 - Vedtak:

Ingen meldingar til dette møtet.

060/20: Delegerte saker

Rådmannen sitt framlegg:

Delegerte saker vert tekne til orientering

07.05.2020 FORMANNSKAPET

Asbjørn Toft orienterte om delegerte saker.

Sak 064/20, gbnr 157/60. Her har det også komme inn ein dispensasjonssøknad, som kan handsamast tidlegast i eit møte i formannskapet tysdag 12. mai.

Ordførar per Lerøy ba om eit ekstra formannskapsmøte tysdag 12. mai klokka 16.00 for å handsama denne søknaden om dispensasjon. Formannskapsmedlemmene stadfesta dette.

Kommunalsjef Thomas Lindås orienterte kort om saka, der det kort sagt er reist grunnmur høgare enn det som er tillate, om ein skal halda maksimal mønehøgde. Kommunen har forsøkt å formidla kontakt mellom 157/60 og 157/81, men har ikkje klart å få til ei semje mellom desse naboane. Innhaldet i ny

søknad og nabomerknader vert utgreidd i saka som kjem opp til formannskapet tysdag 12. mai.

Ordførar Lerøy ba om at alle deler av saka vart tatt med i saka. Må sjå om det er mogleg å finna ei løysing, og om faginstansen og formannskapet er samde, må det vera mogleg å få med seg Fylkesmannen også.

Asbjørn Toft gjekk gjennom dei delegerte sakene vidare.

I samband med Delegert sak 070/20, ba ordførar Lerøy om at det vart lagt opp til synfaring her samstundes med synfaring på Heiane-feltet.

Handsaming i formannskapet:
Rådmannen sitt framlegg vart samrøystes vedteke

FS - 060/20 - 07.05.2020 - Vedtak:

Delegerte saker vert tekne til orientering

061/20: Orienteringssak

Rådmannen sitt framlegg:

07.05.2020 FORMANNSKAPET

Ingen orienteringar (det vart orientert om Korona-situasjonen i administrasjonsutvalet, same dag som formannskapet).

FS - 061/20 - 07.05.2020 - Vedtak:

Ingen orienteringar.

062/20: Budsjettoppfølgjing per mars 2020

Rådmannen sitt framlegg:

Budsjettoppfølging for mars 2020 vert teke til vitande.

07.05.2020 FORMANNSKAPET

Økonomisjef Olav Birger Andersen orienterte om saka. Etter spørsmål frå ordførar Per Lerøy (Ap) svara Andersen om auka utgifter til teknisk at dette mellom anna skuldast utgifter til salting og strøing i mars månad, og reparasjonar etter lynnedslag som gav skader på Nordliheimen og Idrettsparken.

Økonomi- og personalsjef Odd Harald Dommersnes sa at ein må laga ein handlingsplan på korleis ein skal lukka dette avviket, med eit kuttframlegg for å komma i hamn.

Ordførar Lerøy sa at i 2019 var det pleie/omsorg som var underbudsjettert, no er det teknisk. Ikkje rett å driva slik. Olav Andersen sa at teknisk eining etter hans syn var underbudsjettert, noko leiar teknisk drift har sagt frå om.

Rådmann Liv Løvvik sa at det i tillegg har gått rundt 2,2 millionar til Korona, usikkert om ein får dette refundert. Desse utgiftene er med i rekneskapen her. Det som har komme frå Staten i refusjonar er ikkje med.

Olav Andersen viste likviditetsprognosen for resten av 2020 (ligg ved saman med dei utsende sakene).

Kommunen har ein reserve i kassakreditt på 15 millionar, som ein kan bruka. Odd Harald

Dommersnes viste til at dersom arbeidsløysa går ned frå det ein har estimert på 8,5 prosent, så er det ei oppside for kommunen med auka skatteinntekter.

Kommunalsjef Odd Harald Dommersnes sa at det vert jobba med kor stort låneopptak ein reelt sett skal investera av det som er planlagt av V/A dette året. Er i dialog med Kommunalbanken for å sjå rentenivået, og i tillegg er det mogleg å få investeringar i V/A som grønne investeringar, som har betre vilkår enn andre lån.

Rådmann Liv Løvvik sa at det er ein kostnad med kassakreditt, der det også er rekna inn buffer for risiko, og at kommunen bør unngå dette. Odd Harald Dommersnes sa at kommunen i det lengste bør unngå å ta i bruk lån (kassakreditt) for å finansiera drifta.

Ordførar Per Lerøy (Ap) sa at ein må forventa at regjeringa legg fram tal i revidert budsjett 12. mai som er positivt for kommunane. Lerøy takka for oversikta som administrasjonen gjev. Ser at med ei arbeidsløysa som no, vil det gje ein skattesvikt for kommunen på 6,5 millionar i 2020.

Inger Lise Brekke (H) sa at arbeidsløysa i Austrheim per i dag er på 8 prosent.

Handsaming i formannskapet:

Rådmannen sitt framlegg vart samrøystes vedteke

FS - 062/20 - 07.05.2020 - Vedtak:

Budsjettoppfølging for mars 2020 vert teke til vitande.

063/20: Årsmelding 2019

Rådmannen sitt framlegg:

Formannskapet/Kommunestyret tar årsmelding 2019 til vitande.

07.05.2020 FORMANNSKAPET

Økonomisjef Olav Birger Andersen orienterte om saka.

Som årsmeldinga viser, kunne kommunen ha komme ut av Robek-lista i 2019, om ein hadde fått med seg mellom anna dei venta utbetalingane frå AS Austrheim Næringssselskap. No må målet vera å komma ut av Robek-lista i 2020.

Rådmann Liv Løvvik viste til at det er ein merknad frå revisor og kontrollutval, med eit tal som ikkje var rett. Dette skal ein læra av i det vidare.

Helge Dyrkolbotn (KrF) sa at det er mykje bra informasjon i årsmeldinga, særleg frå avdelingane. Ser at det har vore trøgt i kommunen, og det er gjort ein god jobb.

Ordførar Lerøy berømma årsmeldinga for god informasjon og oversikt.

Handsaming i formannskapet:

Rådmannen sitt framlegg vart samrøystes vedteke

FS - 063/20 - 07.05.2020 - Vedtak:

Formannskapet/Kommunestyret tar årsmelding 2019 til vitande.

064/20: Årsrekneskap 2019

Rådmannen sitt framlegg:

Årsrekneskap for 2019 vert godkjent slik det ligg føre. Årsresultatet i driftsrekneskapet er 4 111 965 kr. i overskot. Dette overskotet går med til å betale ned på det akkumulerte underskotet. Det vil da stå igjen ein rest på kr. 852 270 på det akkumulerte underskotet.

Årsresultatet i investeringsrekneskapet er 0 kr.

Note nr. 10: Låneopptak i 2019, bruk av lån og ubenyttta lånemidlar med 13 280 974 kr, vert godkjent slik han ligg føre og midlane vert overført til i 2020. Ifølgje KS vedtak 115/19 er det kun 8,5 mill.kr. av midlane som kan brukast i 2020.

07.05.2020 FORMANNSKAPET

Økonomisjef Olav Birger Andersen orienterte om saka. Som rekneskapen viser var utgiftene høgare enn budsjettert i 2019, men inntektene var høgare enn dette igjen.

Ordførar Per Lerøy (Ap) spurte om korleis ein kan ha eit budsjett der det er 269 millionar i inntekter, men det blir 281, og det er budsjettert med 267 millionar i utgifter og det blir 278. Kan verka som om det her har komme auka inntekter, og så har administrasjonen brukt pengane utan politisk godkjenning.

Olav Andersen svara at det her er ein del postar som går mot kvarandre, så som at inntekt på refusjon av sjukepengar går opp i opp mot auka utgifter til vikar. Men slik vert ikkje rekneskapen ført. Og ein del av utgiftene var ikkje budsjetterte, men har politisk godkjenning, som refusjon til Helfo og forlik i Breidvik-saka, og utgifter til Nav Fensfjorden der ein betaler 4,7 millionar i året til Masfjorden kommune.

Lerøy svarte at dette med sjukepengar/vikar burde vore reflektert i revidert budsjett. Odd Harald Dommersnes sa at ein i så tilfelle bør revidera budsjettet meir enn ein gong. Lerøy svara at dette bør

ein gjera, og ta med seg dei vedtaka som kommunestyret har gjort, og elles ta med dei erfaringane ein har som til dømes refusjon av sjukepengar.

Olav Andersen sa at ein gjerne kan justera budsjettet oftare, til dømes annakvar månad.

Rådmann Løvvik sa at det er særleg på hausten ein må følgja med. Og så er det utfordringar på ein del felt, som Nav Fensfjorden, der kostnader ikkje kjem til rett tid.

Ordførar Lerøy konkluderte med at det er semje om å revidera budsjettet oftare, for å ta med seg desse endringane undervegs.

Inger Lise Brekke (H) sa utgiftene til Nav Fensfjorden vel er føreseielege framover. Rett nok kan sosiale utgifter verta auka i den situasjonen ein er i no.

Olav Andersen svara at det er føreseieleg no, med kring fem millionar i året til Nav.

Ordførar Lerøy oppsummerte diskusjonen med ei presisering av at det var gjort ein stor innsats for å nå resultatet, og at det ikkje var kritikk men eit ønskje om betre revidering/informasjon undervegs.

Handsaming i formannskapet:

Rådmannen sitt framlegg vart samrøystes vedteke

FS - 064/20 - 07.05.2020 - Vedtak:

Årsrekneskap for 2019 vert godkjent slik det ligg føre. Årsresultatet i driftsrekneskapet er 4 111 965 kr. i overskot. Dette overskotet går med til å betale ned på det akkumulerte underskotet. Det vil da stå igjen ein rest på kr. 852 270 på det akkumulerte underskotet.

Årsresultatet i investeringsrekneskapet er 0 kr.

Note nr. 10: Låneopptak i 2019, bruk av lån og ubenyttta lånemidlar med 13 280 974 kr, vert godkjent slik han ligg føre og midlane vert overført til i 2020. Ifølgje KS vedtak 115/19 er det kun 8,5 mill.kr. av midlane som kan brukast i 2020.

065/20: Planendring for Heiane bustadfelt og Finnsvågen med utviding av bustadområde B09, planid. 2018001- Offentleg ettersyn

Rådmannen sitt framlegg:

Austrheim kommune legg planframlegg for **Planendring for Heiane bustadfelt og reguleringsplan Finnsvågen båthamn med utviding av bustadområde B09, planid. 2018001** ut på offentlig ettersyn. Planomtale, ROS-analyse, føresegner, plankart og illustrasjonsplan er datert den 27. april 2020. Vedtaket er heimla i plan- og bygningslova sin § 12-10. Høyringsfristen vert 1. august 2020.

07.05.2020 FORMANNSKAPET

Arne Kristian Kolstad frå ABO Arkitektur orienterte om saka, med ein eigen presentasjon (ligg ved). Helge Dyrkolbotn (KrF) spurte kvifor vegen ikkje var vidareført i bakkant av rekkehusa lengre nede, for å unngå å komma inn i bustadfeltet.

Avdelingsleiar Asbjørn Toft svara at ein då vil omringa i alt nitten bustader med veg på begge sider. I

tillegg er det eit kostnadsspørsmål, vil ikkje vera lønsamt å bygga ut feltet med veg attom feltet. Og det vert eit stort naturinngrep å bygga veg i elva på austsida, noko som også kan skapa flaumproblem. Arne Kristian Kolstad frå ABO Arkitektur svara at denne løysinga ryddar opp i vegsystem som er i feltet i dag. Terrenget er krevjande på austsida der alternativet ligg.

Helge Dyrkolbotn (KrF) svara til Toft at folkehelsemessig vil det vera betre med vegen på austsida. Per Lerøy (Ap) sa at tilbakemeldinga frå partiet var at folk var overraska over at ein går vekk frå tidlegare planar og heller brukar ein stikkveg til å laga tilkomst til nye bustader. Partiet vil gå for å leggja planen ut på høyring, men før ei godkjenning må det skipast til eit nytt folkemøte, og det må vera ei synfaring med formannskapet. Det at det vert lagt ut på høyring, betyr ikkje at ein støttar framlegget.

Helge Dyrkolbotn (KrF) støtta innspelet frå ordføraren om å ta ei synfaring i denne saka. Trur det er mange innvendingar mot å ta vegen inn i feltet på denne måten.

Bjørn Inge Håland Dyrkolbotn (Sp) sa at tilbakemeldinga frå gruppemøtet deira er at ein bør leggja planen ut på høyring, utan at det betyr at ein har sagt ja.

Asbjørn Toft sa at alle sider ved saka er vurdert, og at ein vurderer at ein firemannsbustad får ny trafikk forbi seg, og auka trafikk forbi andre, tel mindre enn å "omringa" bustadene med veg på begge sider, og ei utbygging på austsida i eit elveleie der Fylkesmannen kan ha innvendingar. Ser også på økonomien til kommunen, at det er lite rekningssvarande med vegløyising i aust, men økonomien er ikkje avgjerande.

Per Lerøy (Ap) svara at dei som bur i desse bustadene har vore klare over vegløyisinga på austsida sidan dei reiste husa. La til at det må vera heilt klart at sjølv om politikarane har lagt dette på høyring no, så betyr ikkje det at ein støttar planen. Folkemøte bør vera i storsalen på samfunnshuset, det var trongt i kafeen på samfunnshuset sist.

Asbjørn Toft sa at eit folkemøte bør ein klara å leggja til rette for, og gode synfaringar, eventuelt også på kveldstid.

Bjørn Inge Dyrkolbotn (Sp) sa at det er bra at ein gjer noko med fylkesvegen forbi Heiane, og etterlyste om Fedje kommune har gitt tilbakemeldingar. Til dette svara Asbjørn Toft at dette er ein del av planområdet.

Handsaming i formannskapet:

Samrøystes for rådmannens framlegg til vedtak.

FS - 065/20 - 07.05.2020 - Vedtak:

Austrheim kommune legg planframlegg for **Planendring for Heiane bustadfelt og reguleringsplan Finnsvågen båthamn med utviding av bustadområde B09, planid. 2018001** ut på offentleg ettersyn. Planomtale, ROS-analyse, føresegner, plankart og illustrasjonsplan er datert den 27. april 2020. Vedtaket er heimla i plan- og bygningslova sin § 12-10. Høyringsfristen vert 1. august 2020.
